


# THE DAYBREAK



BUREAU OF AMERICAN

JUN 28 1927

ETHNOLOGY LIBRARY

"Wankantanhan Anpao kin hiyounhipi"—Luke 1: 78

WOKAJUJU 50 CENTS.

Springfield, S. D., June-July, 1927

VOLUME XXXVIII, NUMBER 5

## NIOBRARA DEANERY CONVOCATION

Standing Rock Reserve ekta Chapel of the Good Shepherd hetu kte, August 12, 13 qa 14 hena etu kte. Tona mazacanku okna upi kte cin mazacanku oinajin wanji en hinajinpi kte cin he Glen Cross, So. Dak., hee. August 11, he anpetu kin okpewicaipi kte makaiyutapi akenonpa behanyan. He oinajin kin C., M. & St. P. opaya han. Nakun tona iyeeinkainajin okna upi esa hena iyuha Glen Cross hen okna hiyupi kta iyeececa, hetanhan waziyatakiya owotanna oiya kde.

Tona okihipi kin sina, owinja, qa wakeya kduhapi kta iyeececa, hemakoskan makoe e en de omniciye kte, heon taku kin dena oikni ote-hike kte.

Tona upi kte cin itokam onahonmayanpi kta iyeececa. Wakpala, S. D. hen waun.

William Holmes.

## DAKOTA CONVOCATION

### Sale of Goods

As it was at Crow Creek last year, the women on Standing Rock are planning to conduct a sale during Convocation to which any auxiliary or individual in the Niobrara Deanery may bring goods for sale. The proceeds from such sales will be returned directly to whoever brings the articles. All branches of the Woman's Auxiliary are asked to cooperate in this, and bring Indian bead work, quilts, or new garments which may be placed on sale.

## DAKOTA OMNICIYE TANKA

### Woyuha Wiyopeyapi kta

Dakota Convocation icunhan, hekta omaka qonhan Conkicakse ekta token econpi qon he iyecen, Inyan Bosdata ekta winyan unpi kin woyuha wiyopeyapi woecon kin yuhapi kta. Niobrara Deanery itimahed Winyan Omniciye oadetka yaunpi kin qais tuwe oyakihipi kinhan taku wiyopeyepica yahdoupi kta. Taku tona wiyopeniciciyapi kinhan hena on mazaska tonakeca kamnapi kin hena katinyan nicupi kta. Winyan Omniciye oadetka yaunpi kin owasin de en wawoyakiyapi kta nicidapi, Dakota wanapin on taku kagapi, sinaokipatapi, qais heyake teca wiyopeya ehnakapi kta aya-upi kta.

## RAPID CITY EN CONVOCATION

May 20-22, 1927 anpetu hena en Emmanuel Church Rapid City, S. D., hen Missionary District of South Dakota mniciyapi; omniciye iwicemna topa sam yamni kin hee. Wicaša wakan, wica qa winyan witaya 175 sam iyeya kalnili uwicašipi hena hipi. Wicaša wakan ecepi kin 40 sam iyeya. Niobrara Deanery etanhan wicaša wakan dena ipi: Wasicun kin, Archdeacon Dr. Ashley, Robert Frazier, Paul Barbour, A. B. Clark, John Clark, David Clark, John Flockhart, qa Nevill Joyner. Dakota kin. Charles Brugnier, Alfred Barker, Dallas Shaw, Henry Whipple, Charles Jones, David Swan, Joseph Paints Yellow, T. J. Rouillard, Cyril Rouillard, Levi M. Rouillard, William Holmes, qa Andrew Whiteface.

Yamnican omniciye en hanhanna iyohi šakowin sam hanke apa hehan Wotapi Wakan icupi. Owicahanyan dena Wotapi Wakan yu-wakanpi, Bishop Burleson, Dr. Ashley, qa Bishop Roberts. Anpetu izaptan tokaheya

Continued on Next Page, Third Column

## ST. MARY'S SCHOOL, SPRINGFIELD, SO. DAK.

St. Mary's owayawa kin decana wayawapi omaka wanji ake nina tanyan hihunipi. Hekta ptanyetu qonhan wikcemna yamni sanpa napeinwanka wayawa hipi qon etanhan wikcemna yamni sanpa šakpe wayawapi omaka ed owicohan kin hduštanpi, qa unma yamnipi qon wayazankapi qais titakuyepi wanji tapi on tiyata kihdapi. Wayawapi omaka kin ihanke šni eced šiceca kin owasin Okodakiciye Wakan kin ed Wotapi Wakan ien kin hecapi, wicinyanna cistina nom opapi šni tuka denaos nahanhin Wicayusutapi ecawicakiconpi kta waniyetu iyenakecapi šni.

Taku onspepi kta woopie hdepi kin iwaštana yuwankan ayapi. Šiceca kin wicozani tawapi kin patawanjina wašte aya. Tonana holpapi eecapi kin aicunom waniyetu ataya woyazan wanind iyeya, qa šiceca tohanpi on cajewicayatapi ed aicabičiyapi nina atanin. Šiceca kin iye awanildakapi kta (Student Government) kaiwaštayena kahayapi qa tohanyan waeconpi kin wiciyokipi e wanhdakapi.

De omaka kin Tecapi Omniciye kin Pauline McCloskey, Okreek, S. D., etanhan kin he itanean yuhapi qa unmapi kin om wicohan owanyag waštešte yuštanpi. Lent icunhan waipičidapi, nakun otioyohi okiciye dena entkiya tanyan pičiyapi kin eciyatanhan wowan on ohna icahiyapi kin hdušanipi. Tecapi Omniciye kin mazaskaokicanye tawapi kin hekta omaka kici iciwanyakapi kinhan de omaka kin owicohan kin iditakapi yuatanin kta. Hekta omaka qonhan mazaska akenomnana yuhapi qa nakun he wakagegepi obe wan etanhan wawicagupi kin beca. De omaka kin wicinyanna kin wihtnkanpi qa mazaska kamnapi kta on patakešni litanipi. Canhanpišašana kagapi qa wiyopekiyapi, wayawa wicakiya kin hawicakinipi, oškate kagapi qa tin yapi kte cin hena kajujuwicakiyapi. Kicicopi qa takušnišni ayuco kagapi ko wiyopeyapi token wakamnapica kin iyecen litanipi qa dehan mazaska opawinge sanpa wikcemna yamni yuhapi. Wicatanhan, wicotawacin qa wowakan on kin hena yamnikiya ohna nina ataninyan icahiyapi.

Wayawa ayuštanpi anpetu qonhan woonspe ihunnihi kta okihe unpi kin qa ihukuya wapa yawapi kin om woškate wan pazopi. J. M. Barrie oškate kin de owa qa "Okage Otouwe Ocanku," eciyapi. Miss Sturgis, toawanyake kin ohnayan nina wayupiya pazopi. Tracy Ellis, Elizabeth Lane qa Gladys Wells hekta omaka qonhan tohanyan waeconpi qon isanpa tanyan waeconpi kin on woyuonihan en ihdoipi.

De ptanyetu September isakpe kinhan owayawa kin de yušanpi kte. Tona ed upi kte cin wancahnana caje ukiyapi kta uncinpi qa toka wayawapi kin iyehan hipi nin unkecinpi. Anpetu tona tuwe woyazan codan hdušna kinhan iyecen šiceca ocipetu najinpi kin en owicakiciwapi kte.

Miss Aida Smith, New York otowwe etanhan titokan hi qon icunhan de omaka kin ed Wisconsin Dakota wicinyanna wan St. Mary's den wayawa kta iyušan ehnae.

Mrs. H. H. Elliot,

Wayawatipi kin en Tokahekiyapi kin.

## ST. ELIZABETH'S SCHOOL

Wakpala, So. Dak., May 29, 1927.

St. Elizabeth's owayawa kin en hekta winonpa qon hena ed nina škinunkiciyapi, April wi qonhan Bishop Watakepe Yapi kin unyuhapi, tohanyan unkokihipi kin owasin owacekiye kin hena ed ounpapi.

Heban tipi wakan qa wicahnakapi kin ekta Easter owacekiye waštešte kin hena hiyohi, de iyohakam Winyan Omniciye qa Tecapi Omniciye unpi kin wayawa tipi kin de šina eoza šahdogan hokšina tipi kin en unpi kta unqupi. Iyowicakipiya waeconpi qa unkiwaštepi qa nakun omaka de icunhan wowaonšida unman tona econpi qon hena on wopida unke-yapi. St. Elizabeth's woawanyaka en wica qa winyan kin owayawa kin de otakiya okiyapi.

May 6 ehan šiceca tona otowwe owayawa ekta wayawapi kin May wi on wowiyuškkin oškate kin en opapi, qa May 19 šiceca cikecistina wicunyahapi kin wetu wapazopi wan huukakepi kin wanyagwicakiyapi, iyohakam owote tipi kin ohna wotapi.

Bishop kin qa Ate Frazier qa Mrs. Frazier wicayusutapi woecon ed unkičianpi, de en tom wicayusutapi, Mary Helen Shields, Helen Edna Gabe, Virginia Howard qa Melvin Mound.

May icunhan maka obašpe oyate zanipi awanyake kin šiceca kin zanipi iwicayukean.

Hekta oko nonpa qon hena ed šiceca kin taku okihipi iwicayutapi, den wayawapi kin on ehake woiwange wicagupi qa nakun manin e škatapi. Zella Shields, waniyetu 10 tuwe wowapi isakpe ekta iyayeyapi qon he de omaka kin ed ihankeya tehanwankan opičiyey, omaka kin de en taku econ kin owasin en oiyawa eciyatanhan 90 kiciyawapi. Wicicana kin de nakun maka obašpe cistinna (County) en oowa cajeyatapi (spelling) on woihiye tokaheya kin ien qa mazaskazi wanapin kin ohiye.

Mary G. MacKibbon,

Tokahekiyapi kin.

## WOJUPI MAKOC EN WAECONPI KIN

May 27 qonhan Elmer M. Lofstrom Ft. Thompson en hihuui, mdoketu kin de icunhan Rev. David W. Clark ihukuya tokiyotan econsi ohnayan wojntipi ehna htani kte. Mr. Lofstrom, makowancaya wakiye omniciye etanhan wojupi makoe en waeconpi kta wihtdukecanpi eciyatanhan South Dakota ekta hi. Wiyukecanpi kin he decetu, mdoketu wayawapi šni icunhan wicašta wakan onspeičiyapi kin hena oyate ehna škiniciyapi kta. De woiyukean kin Rev. H. W. Foreman waeconpi en oitanhan kin ahibde, qa wada kin eciyatanhan Chicago en Bishop woawanyake tawa en winyan wawokiya omniciye unpi kin tuwe wanji waonspeičiyapi kta on mazaska \$500.00 mnakiyapi. Mr. Lofstrom Kahmi Tanka obašpe Conkicakse en, Ascension owacekiyetipi qon hed oyauke itanean kihde kte, qa Joe Wakpana qa De Grey henaoskiya Anpetu wakan iyohi wocekiye qa Sunday School hena yuha htani kta. Anpetu wakan oko eca oyauke napin en anpetu wanji ataya Wakan-tanka wacinyanpi on woonspe kin he onspewicakiye kte Anpetu wakan oko akenom iya-wa woecon yuha htani kte.

Okodakiciye wakan unkitawapi kin owoju makoe ehna Wotanin Wašte iyopte kta on icahaye cin ataninya wanke cin he Mr. Lofstrom unkiyepi ekta hi kin heciyatanhan atanin.

Rev. David W. Clark.



# ANPAO KIN

(THE DAYBREAK)

SPRINGFIELD, - SO. DAK.

REV. JOHN K. BURLISON, Springfield, S. D. }  
REV. PAUL H. BARBOUR, Springfield, S. D. } Editors.  
REV. LEVI M. ROUILLARD, Rapid City, S. D. }  
REV. JOHN FLOCKHART, Greenwood, S. D. } Business Manager.

THE DAYBREAK is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Wi akenonpa (one year) eca kašpapi zaptan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Greenwood, S. D. on opetonpi qaiš wowapi askape Rev. John Flockhart yekiyapi kta.

Printed at the office of the Santee N. T. S. Press, Santee, Nebr.

## Anpetu Iyohi Wowapi Wakan Tokel Okiyuspeya Owotanla Yawapi Kta.

JULY 17—AUGUST 19, 1927

Yamni iyohakab Anpetu Wakan Izaptan

Anpetu Wakan, July 17. Johannes 5: 17-31. Ateyapi tawoyatanin kin.

Nakun 1 Inyan 3: 8-16.

Otoiyohi onšikičila po.

Anpetu tokaheya, July 18. Johannes 5: 32-47.

Wowapi Wakan, Christ tohan, na John Baptisma wicaqu woyatanin kin.

Anpetu inonpa, July 19. Johannes 6: 1-14. Wicota woyatanin tawapi kin.

Anpetu iyamni, July 20. Johannes 6: 15-29. Christ el wacinyanpi kin he Wakantanka tawicohan econpi kte cin ee.

Anpetu itopa, July 21. Johannes 6: 30-47. Wicalapi kta wowašake kin he Anpetu wicaqu.

Anpetu izaptan, July 22. Johannes 6: 48-71. On kagapi na woniya iciwanyakapi.

Anpetu isakpe, July 23. Johannes 7: 1-13. Wokokipe kin he wowicala woyatanin kin paju.

Yamni iyohakab Anpetu Wakan Isakpe

Anpetu akan, July 24. Johannes 7: 14-31.

Oyate woyatanin tawapi sam icage cin.

Nakun Roma 6: 3-12.

Iye iyacinyan kici huunglepi.

Anpetu tokaheya, St. James Taanpetu,

July 25. Johannes 7: 32-53.

Woyatanin kin he watokahanpi wawignupi tawapi iciwanyakapi.

Nakun Ohan. 11: 27; 12: 1-4.

Wahošiyē tokeya ktepi.

Anpetu inonpa, July 26. Johannes 8: 1-11.

Owotanla iyukeanpi on woyatanin.

Anpetu iyamni, July 27. Johannes 8: 12-30.

Ateyapi woyatan tawa yuteca icunhan wicota wicalapi.

Anpetu itopa, July 28. Johannes 8: 31-45.

Wowicake Woniya woyatanin tawa kin.

Anpetu izaptan, July 29. Johannes 8: 46-57.

Owihanke šni na woahitani cola un woyatanin kin.

Anpetu isakpe, July 30. Johannes 9: 1-17.

Wicaša ištāgongē wicalaya icage cin.

Yamni iyohakab Anpetu Wakan Isakowin

Anpetu Wakan, July 31. Johannes 9: 18-41.

Pharise ištogmuzapi icunhan wacinyanpi ištatawa kin yublayapi.

Nakun Roma 6: 19 ihanke hehayan.

Woahitani etanhan unkiyuskapi on Wakan-tanka taokiye unkicagapi.

Anpetu tokaheya, August 1. Johannes 10: 1-8.

Waawanglake wašte towastelake on woyatanin kin.

Anpetu inonpa, August 2. Johannes 10: 19-42.

Watokahanpi wicala šni icagapi icunhan Jordan kowakatanhan ota wicalapi.

Anpetu iyamni, August 3. Johannes 11: 1-15.

Itancan unyanpi ohanketa toktokeca wowicala isanpa tanka wicakicahi kta e otohanjan owanji yanka.

Anpetu itopa, August 4. Johannes 11: 16-45.

Wowapetokeca tanka kin on Juda wicaša ota wicalawicakiya.

Anpetu izaptan, August 5. Johannes 11: 47-57.

Wowicala šni okpaze cin sanpa okpasya aya.

Anpetu isakpe, Wayutokecapi kin. August 6. Johannes 12: 1-19.

Oyate Iye wicalapi isanpa icage.

Nakun 2 Inyan 1: 13-19.

He kin ekta Wakantanka ho tawa kin.

Yamni iyohakab Anpetu Wakan Isakowin

Anpetu Wakan, August 7. Johannes 12: 20-43.

Waiglušnapi woyatanin kin on watokahanpi ota wicalapi.

Nakun Roma 8: 12-18.

Yuwitaya wowitan unyuhapi kta e Iye kici unkakijapi.

Anpetu tokaheya, August 8. Johannes 13: 1-17.

Onšičilapi na waeconpi kte cin on woyatanin.

Anpetu inonpa, August 9. Johannes 13: 18-38.

Gnayanpi na wicakešni eyapi el woyatanin.

Anpetu iyamni, August 10. Johannes 14: 1-14.

Iye el wacinyanpi kin wokicanpte, woslolye, na wowašake wicakicahi.

Anpetu itopa, August 11. Johannes 14: 15-31.

Nakun wowaštelake, waanagoptan, wookiye na wowacintanka.

Anpetu izaptan, August 12. Johannes 15: 1-11.

Wowiyuškin wawicage suta wan.

Anpetu isakpe, August 13. Johannes 15: 12-27.

Iye kola wicakahnige cin waayatanin hecapi kta iyececa.

MRS. LIZZIE SAUL TA

Winyan kin de, Moses Saul, Santee etanhan tawicu, April 19, 1927 heehan wiconi wankantu ekta iyaye. Waniyetu wikcemna topa maka wiconi ded ni un. Winyan kin de Rosebud oyanke etanhan. 1904 heehan Santee oyanke imahetanhan koška wan Moses Saul eciyapi he kici okiciyuze wakan kin ohna kiciyuhapi, qa tiwahe wašte kagapi, qa hetanyan cinca šakowinpi tka, tom tapi qa hetanhan cinca yamni, qa hinhnaku hena tiwahe awicayustan qa iyaye.

Winyan kin de Okodakiciye Wakan kin en wacinyepica heca. Oyate owacinyanpi oni wan ohna un, heca nakaš Winyan Omniciye en takudan tehinda šni wawokiya škan, qa nakun B. C. U. en winyan tka wicohan kin he tanyan maben wanyaka, qa wicašta, qa koška wanjikji taku wanyake cin, he išt iyecen hinhnakupi om htanipi kta cinwicakiye, qa ohna iapi waštešte eye sa.

Winyan kin de nakun tokata etonwe qa hokšipidan qeya tokata token unpi qa taku on spepi kta hecinhan he cin. Qa Boy's School kin heon wicašta qa winyan ota iyowicapaštāg wakicon wicakiye. Qa mazaska kitanna ota womnaye kin he en ehake wicakiye.

Hecen winyan wašte kin de maka wiconi kin ded taku econ kta iyecece cin owasin ikihuni qa unma wiconi wašte Wakantanka iwahoye cin ekta iyaye cin, heon cante unšicapi hee šni, tuka tuwe wan he iyecen wacinyepica Okodakiciye Wakan kin ohna iyeunyanpi kte šni hee un icanteunšicapi kin hee.

## RAPID CITY EN CONVOCATION

Continued from First Page

mniciyapi en hanhanna cekiyapi ohakam Bishop kin napin wokdakapi, omaka icunhan tawicohanpi okdakapi, okodakiciye wakan token iyopte, wicayusutapi tona opapi, Baptisma Wakan wicaqupi, wakankiciyuzapi tona econpi, tuwewe omaka icunhan tapi hena cajewicayatapi, tuwewe district itimahen wowaši econpi kta hipi, qa tuwewe atokan wowaši econpi kta iyayapi hena koya cajewicayatapi. Tona omaka icunhan wicaša wakan wicakagapi nakun oyakapi.

Convocation wica qa winyan kiyušešpeya mniciyapi. Watokahanyan wicohan yuhapi kta wicakahnigapi, wowapi kaga, mazaska awanyaka, wakiya wicaša, Council of Advice, Examining chaplains, Executive Council, September kinhan Minneapolis, Minn. en Synod of the Northwest mniciyapi kte cin delegates wicakahnigapi. Nakun omniciye icunhan committee obe tona wicakagapi. Synod omniciye ekta yewicashi kin, wicaša wakan, hena Rev. E. F. Siegfried, Rev. James G. Ward, qa Rev. E. B. Woodruff. Lay delegates kin, George W. Burnside, Thomas Hunter qa Henry Lampe, hena eepi.

Anpetu Izaptan hanhanna cekiyapi he Dakota iapi ognayan econpi. De en Rev. Dr. Ashley qa Rev. Robert Frazier hena watokahanpi. Opening sentences qa Psalms hena Rev. Dallas Shaw yawa, Wowapi Wakan wonspe 1 St. John 3: 1-11 he Rev. Charles Brugner yawa, Wowicada qa wocekiye hena Rev. Henry Whipple yawa, qa candowankiye cin he Rev. William Holmes econ.

Convocation icunhan wicaša tanka wan New York City etanhan hi, qa he Rev. Dr. Loaring Clark ee. Omniciye owasin en un. Owankayujajapi wicokaya sanpa hehand Bishops napin qa wicaša wakan owasin eceedan mniciyapi qa en takuku iwokdakapi hena dena ee, wocekiye woonspe, wicayusutapi wakan, summer conference, Sapaun opapi Sinaska en ahioyapi cinpi canahan token econpi kte cin, nakun Ištica okodakiciye Lutherans ahioyapi cinpi token opewicayapi kta dena woiwanyake wašte pazopi. Dr. Clark he ehake wokdag šipi.

Woyušan wan okitanin heca den oyake pica. Totanhan Bishop Hare South Dakota en htani qa Dakota Wicayusutapi eawicakicon eca Niobrara Cross he wicaqu ecee. Qa ohakam nakun Bishops toktokeca hipi iyecen econpi, qa wašieun kin tohinni wicayupi šni. Dehan otakiya Dakota qa wašieun icahiyeya wicayusutapi opapi ecee canahan Dakota eceedan icipawe-ga icupi ecee. Unkan wanna detanhan tokatakiya Dakota qa wašieun koya Niobrara Cross kin he wicaqupi kta hecen Bishop Burleson pazo qa on woyušan.

Anpetu wakan hanhanna he ehake witaya wacekiyapi. Tipi wakan kin ojupidan. Dowan ošpaye owasin akidecen ikduzapi, wicaša wakan qa Bishops hena owecinhanyan manipi qa odowan ahioyapi ican timahen aya. Awicakehan oiyokipi wan heca. Episcopal okodakiciye wakan kin wocekiye oiyokipi kagapi okihipi qa ištana hecen okihipi kin he ake atanin. Wicanagi yuhica qa najinwicakiya okihi wan heca, odowan, Wotanin wašte, wawahokonkiye, qa wocekiye woecan ataya awašteya qa yuwakanyan econpi hena on wicimdeza. Omniciye en hipi ataya wowašte ota icupi qa woawacin, woonspe ko ota icupi qa yuha kikdapi. Wacekiyapi de en dena waeconpi. Opening sentences Rev. S. S. Mitchell, woonspe tokaheya Rev. Dr. Richardson, woonspe inonpa Rev. James Ward, Wowicada qa wocekiye Rev. Robert Benedict, qa wawahokonkiye kin Rev. Dr. Loaring Clark New York etanhan.

Anpetu izaptan htayetu he Bishop Roberts Indian school Episcopal chapel en hokšina qa wicincapa 15 henakeca Wicayusutapi wakan eawicakicon on pa awicaputaka. Anpetu wakan htayetu he Bishop Burleson Emmanuel Church en wica qa winyan, hokšina qa wicincapa 26 wicayusutapi eawicakicon on pa awicaputaka.

Tokata omaka omniciye kte cin he Sioux Falls etu kta yuštānpi, qa tohantu kte cin nakun eyapi, qa he All Saints School wayawa ayuštānpi kta itokam woecan yuhapi, Commencement icunhan mniciyapi kta yuštānpi.



# ST. ANDREW SUNKAKICIYAPI YU-WITAYA MNICIYAPI KIN

Ihanktonwan Tipi, Nawizikicizapi Oyanke,  
Holy Name Chapter Etu  
May 31-June 2, 1927

Omnicieye kin de en program wan nina wašte yuhapi, qa tona program en yankapi kin ataya kinin ipi. Tona ipi šni qon heua tuwe tokeca en iyayeyapi, hecen taku owasin tanyan katinyan iyopte.

Kalnili yewicašipi qa nakun tona ed opoya unpi kin hena ataya nina tanyan wicakuwapi. Wakeya ota ehdepi qa hena ohna wanka wicakiyapi. Qa woyute nina ota heon owasin cante wašteya unpi.

Omnicieye ca tipi wakan kin ojudan ece, qa he en oiyokipiya dowanpi, qa nakun wicašta ota yupipiya wohdakapi naunhonpi. Winyan ko nina wicotapi ece. Omnicieye kin de en wašicun tom ho ocaje kin owa ohna dowanpi ece qa nina onahon wašte. Omnicieye enakiyapi eca koška qa hokšidan šake maza škatapi qa onge is tapa škatapi ece, qa nina oiyokipi ota yuhapi.

Hecen omnicieye wan nina wašte. Ieunhan amalpiyakede wanka qa kitanna ošni qa ehake hitayetu kin he en magaju, heca qeyas taku owasin tanyan unhdustanpi.

Wicašta wakan aketopa omnicieye kin en unpi qa dene eepi: Dr. E. Ashley, Dr. Loaring Clark, Revs. A. Barker, P. H. Barbour, D. Clark, J. Floekhart, W. Holmes, V. Junker, J. Rondell, C. Rouillard, T. J. Rouillard, D. Shaw, A. Whiteface qa H. H. Whipple. Qa delegates wikemna nom sam zaptan eced ipi.

De wetu kin report nina wašteste aipi. Wanji decen owapi: 48 opapi qa 13 omnicieye eca ipi ece, mazaska \$28.93 henakeca "Goodteacher Wokiksuye Kin" on aipi. Wanji is 42 opapi, 13 omnicieye ipi ece, mazaska \$35.00 aipi; hehand wanji 12 opapi, 10 omnicieye ca ipi ece, mazaska \$50.00 aipi. Chapters hiye kin ataya decen report wašteste aipi kinhan nina wašte kte.

"Wokiksuye womnaye" kin on eca ataya mazaska \$256.96 aipi. Hekta omaka 1926 he ehan \$127.60 henakeca.

Ehake anpetu en wiyotanhana sanpa omnicieye enakiyapi kin he en Llewellyn Selwyn, Greenwood, So. Dak., etanhana kin he Wawokiya kašapi. Dr. E. Ashley qa Rev. J. Floekhart henaos kiciyustanpi.

Omnicieye kin de en taku wanji nina ayatinzapi kin he 1917 heehan St. Mary's chapel, Sisseton, So. Dak., en Provincial chapter omnicieye kin en woose (resolution) wan yuhapi kta yustanpi, qa he detanhana wanna chapters hiye kin owasin ahopapi kta Dr. Ashley keye. Qa woičiconze woose wan kašapi qa yustanpi kin he dee: (1). Tiyata ekta oadetka (chapters) tona hiye cin hena ekta kta tona opapi kin he etanhana tona omaka wokaju kin he kdajupipi šni kin hena oadetka en Oitancanpi kin hena wicakahnigapi kta škanpi kin he en wayustanpi (vote) kin hena opapi okihipte kte šni. (2). Nakun tiyata oadetka kin en wicacaje owa knakapi kin hetanhana cajeyatapi kte šni. (3). Nakun Provincial chapter omaka wanji omnicieye kin ekta kalnili yešipi kta okihi kte šni.

De woose omaka 1917 heehan akiyapi qa yustanpi, qa detanhana wanna Dr. Ashley ahopapi kta keye, hecen tanyan abdeza po. Wopapi kaše kin chapters hiye kin ataya wopapi wicaqu kta Dr. Ashley keye, qa Woičiconze ahopapi kte kin de owicakiyagši.

Thursday hitayetu ehake omnicieye kin en de omaka 1926-1927 he ieunhan St. Andrew Sunkakiciyapi kin etanhana nom tapi. William Brass, Santee, Nebr., qa Albin Hitika, Greenwood, So. Dak., henaos on wokiksuye wocekiye eyapi.

Omnicieye kin he ed wašicun wicašta wakan okinihan wan Dr. Loaring Clark eciyapi, wiyohinyapatanhana hi, he nina tantanyan wohdake. Niobrara Deanery obašpe kin den Dakota ehna St. Andrew Sunkakiciyapi kin tanyan iyopte qa wicohan wašte econpi kin heon hecehnana sanpa wašagya iyopte kta iyececea keye. Wicohan unkitawapi kin hena tanyan ahounpapi kta iyececea keye. St. Andrew wicašta kin he Jesus en i, qa He tuwe kin sdoney hehand ye qa sunkaku ed hdohi keya. Unkan he iyeced unkiya econqonpi kte, unyanpi qa Jesus tanyan iyeunyanpi kinhan hehand unkiyayapi qa tuwe tokeca Jesus

ed awicunkupi kte. Wicašta wakanpi kin hecedan he de wicohan kin tawapi šni, kta oyate owasin he de wicohan kin iyowajapi ce eye. Omnicieye ed unkiyapi on kin nina pida, qa St. Andrew Provincial omnicieye kin is ed hi qa nakun wohdake kin hena on wopida eciyapi.

Omnicieye en oitancan tom de omaka kin on wicakahnigapi qa dene eepi: Pres. Dr. E. Ashley, Vice pres, Thomas Hunter, Treas. Rev. William Holmes, Sec. Christian Whipple.

Tokata omnicieye kte kin he yamni kiya dapi qeyas Pine Ridge oyanke kin heciya kta ohia akiyahdapi. Tokšta tukte chapter etu kte kin eadan unkoyakapi kte.

C. B. Whipple, Sec'y.

## PROVINCIAL CHAPTER OMNICIEYE EN REV. JOSEPH GOODTEACHER ON WOKIKSUYE WOHDAKAPI KIN

June 2, 1927 10: 00 a.m.

Rev. George Lawrence wohdake kte kin he wanji ee tka u okihi šni heon wopapi wan kage qa he den ptenyedan owapi:

"Ehanna komaška qonhan tapa škatapi kin he nina wašewadake, toki tuwe tapa škatapi kta yemaši ca tohinni hiya epe šni tka ohinni, ho, epa ecee. Unkan anpetu wan ed Mr. Goodteacher en mahi qa heya, 'To taku wanji eciye kta wacin, Santee, Holy Faith, ed Wawokiya yaun kta wacin,' emakiya. Wancake ho epe šni, tka ee iyukan waun kta kepa qa saupa nina iyukan waun kin on ece wicohan kin de en ibdabde. Unkan Mr. Goodteacher wicašta kin hecece, ohinni Christ Tokiconze kin icage kta kuwa. Yankton qa Cheyenne oyanke kin hena ed wicohan wašteste qa tanka econ kin dehand hena owasin sdonyayapi. Dehand unkiyopeyapi on šni, tuka wicohan yustan qa wicoie tawa kin heua hena unkiyopeyapi on."

Rev. William Holmes wohdake qa decen eya: "Rev. Goodteacher taku onspe kin sutaya iyayuzi qa heon etanhana wašaka, qa he Okodakiciye wakan kin eciyatanhan sdonunyanpi.

Wacinyepica heca, taokiyeye wašte. Okodakiciye wakan nakicijin heon oadetka kin de den icage. Wicohan wašte econ kin heon owe wašte kage.

Wicašta koda wicaya okihi qa he iye toie qa wicohan tawa kin eciyatanhan hecece.

Wokiksuye den econqonpi, heon etanhana wicašta wicohan wašte tawa kin waunyakapi qa unkiš eya eced econqonpi kta."

Hehand Dr. E. Ashley is decen wohdake: "Wicašta kin de tokan wicaba on šni, tka iye ičiba, iye awanihdake. Wakantanka kiksuye qa iye aičibdeze.

Mr. Goodteacher wicašta heca heca kin on etanhana isna awaičicin on šni, tka ohinni itokšan wakin on, qa toktokeca Wakantanka Towaste kin ed upi kta cin ecee.

Wicašta wacinyepica heca, qa wicohan tanyan econ wacin kin heon oyanke kin detanhana iwacu qa Ohwoju oyanke ekta wicohan unqupi. Wacintanka qa waanašoptan kin on katinyan Ohwoju oyanke ekta iyaye qa wicašta heca iyecen škan.

Nation Wide Campaign icage kta cin on hitani qa heon te kin hee. Wanna te tka wicašta heca hecinhan owe tawa kin he ohna unyanpi kta iyecece."

C. B. Whipple, Sec'y.

## LOWER BRULE

Chapel of the Messiah,  
Iron Nation, S. D., May 19, 1927.

Etanhana ake hekta May 4 hehan Leonard Tompkins, Toledo, Iowa, ekta wayazan tipi el te canke tancan kin hiyuyapi. Na Mesiah wicalapi makoce el unhapi. Koška kin le lila hokšila wašte heca, na lila ocekiye el škan. Le koška kin Mr. qa Mrs. Thomas Tompkins cincapi. Wauna lehanl iye kin ozikiya na atkuku na hunku na cinye kin owasin ob iyuškinyan wankiciyakapi ni unkecinpi.

Hekta Fel. 5, 1927, heehan Mr. Philip Byrnes Civil Service el opa. Na wancak Fort Apache, Arizona ekta wayawa tipi tanka wan el wicohan qupi canke ekta iyaya, unkan lecala wanna onahonpi yukan tawicunton keyapi. Wikoška wan (Monte) Missouri etanhana ca yuza, na wikoška kin le inš eya wayawa tipi kin hel waunspekiya heca, keyapi. Wikoška kin le ocekiye en opa heca heca, na ocekiye oga kiciyuzapi keyapi.

## PINE RIDGE WOTANIN

Mission Council Mniciyapi kin

May 3, 1927 Holy Cross Church, Pine Ridge, el Mission Council mniciyapi. Tokaheya Mr. Joyner wocekiye econ.

Waynotanin ošpaye itancan kin oiglake. Omnicieye kin icupi na eetu lapi. He iyecel Wakan Cekiye Woonšpe ošpaye oiglake.

Okolakiciye Yutankapi ošpaye el itancan kin oiglake, na omnicieye kin icupi. (a) Opa etan wanji ecel škan šni kin on, lecel woštanpi wan yustanpi. (b) Omnicieye kin eetu lapi eciyatanhan tuwe našonke on, sam walitakin na wicohan opin kta ca el itancan kin woiyoksape e kin yin kta. (c) Na nakun yutokeca okihi kta.

Nakun Mazaska Woawanyake ošpaye itancan oiglake. Le el wacajeyate wan, Rev. C. H. Wolf okiye. (a) Iwoglakapi na mazaska woawanyake el itancan ošskinciye tawa kte kin oga le omaka el Yutapi Wakan opapi iyohila mazaska wanji kičonpi kta. (b) Na nakun econpi kta ca, omnicieye kin le ataya el okiya škan na yuecetupi kta. (c) Nakun mazaska woawanyake kin el itancan kin el leca opa kta wan, Louie Iron Hawk cajeyate, kin on Walter Bone okiye na yustanpi. (d) Western Christian Unity etan wopapi wan woštanpi oga nyan. Wošna Kaga Waawanyake kin qupi, na inš sam: (1) Omnicieye el iwoglakapi kta ca egnake, (2) omnicieye kin wopapi kin yawaštepi, na (3) sam he Dr. E. Ashley wopapi wanji yekiyapi kta, wopapi kin he agna.

Mazaska Woawanyake ošpaye kin ake June 6 kin mniciyapi kta.

Rev. S. H. King, St. Peter's Church Oglala, S. D. en yankin kta, na Rev. C. H. Wolf Porcupine el iye ti el ounyin kta.

Asa T. Fingers, Chmn Pub.

Pine Ridge, S. D., May 2, 1927.

My dear Mr. Ashley: Since I am occupied so much with the work of the young people, papa has given me your letter to answer. He says you would like to have a report of what the young people have done. He told me to tell you what they have done, what they are doing, and what they are going to do. So I will write you as follows:

The Y. P. S. L. of Holy Cross has paid for piano, \$28.65. They have on hand for the N. C. F. and the N. W. C. to take to Convocation, \$50.00. It is possible, but only possible, that we may raise some more money before Convocation.

The Y. P. S. L. of Oglala Boarding School has paid for piano, \$12.16, and we have on hand to take to Convocation for N. C. F., and N. W. C., \$36.29. Also the Y. P. S. L., of O. B. S. S. S., has given as Lenten offering \$42.89. This has been sent to Mr. Swain. Our Y. P. S. L., of O. B. S. S., is to give an entertainment on May 18. One-third of this will be for N. C. F., one-third for N. W. C., and one-third for our piano. The N. C. F. money and the N. W. C. money I will bring to Convocation.

There is another Y. P. S. L., composed of little children in my S. S. class, six in number. Their Lenten offering was \$11.04. This has been sent to Mr. Swain also. This Y. P. S. L. of little ones will have \$5 or \$6 to take to Convocation for N. C. F. and N. W. C.

So you see we have three Y. P. S. Leagues.

I think the above covers the ground, and will be about what you wish.

Love from all of us to each of you.

Affectionately yours,

Katherine Joyner.

## CORN CREEK WOTANIN

Winyan okinihan wan te, Mrs. Red Eyes. Mr. Daniel Red Eyes waniyetu ota wawokiye wowaši econ. Mediator Chapel el, May 15, 1927, heehan wicalapi wocon kin Rev. Dallas Shaw qa Rev. J. P. Yellow kiciyustanpi. Ota el hipi. Heel tona Anpao Kin wanlakapi kin wocante šica yuha kin le wocekiye eyeciyapi ni ecamin.

May 16 heehan Deacon unkitawapi kin on Woyonihan econpi, he Church of the Inestimable Gift, he el. J. P. Y., Pub. Chmn.

ENTERED at the Post Office at Santee, Neb., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.



## MRS. MARY WHIPPLE TA

Bloomfield, Neb., April 26, 1927 ohna Mrs. Mary Whipple ta. Micun te cin on ceyaya wacewakiya ecee, micun waniyetu wikcemna nonpa kici wani qa micun eya waun qon wana maka wiconi ayuſtan qa ehpeya unkiyaya pi qa on nina icante unſicapi. Micun waniyetu 42 henakeca. Wocekiye ohna un qa ta, miakuyepi tona de wandakapi on unyeksuyapi kta. Mrs. Hannah W. Goodteacher.

## CHEYENNE WOTANIN

White Horse ti Wakan ekta April 17 hehan Maynard James Yellow Horse, nakun May 19 Pauline La Plant Baptisma Wakan wicaqupi.

## FLANDREAU ETANHAN WOTANIN

Easter Anpetu ehan St. Mary's Chapel opapi kin oiyoikiya wacekiyapi qa Wotapi Wakan nakun icupi. Cekiya ayuſtanpi ohakam Niobrara Convocation ekta yewicaſipi wicakahnigapi, qa dera eepi: wica kin, John Allen, Isaac Greyearth, qa Henry Taylor; winyan kin, Sarah Weston, Anna Taylor, qa Agnes Greyearth.

Nakun dena omaka icunhan wicohan yuhapi kta, hunli hdaſnigapi qa hunli Woſnakaſa cin wicakahniga, tipi wakan awanyake kte cin Hazen Graham, candowankiye kta Hazen Graham, wahnawoſnapi awanyaka Mrs. Ida Allen. De omaka kin Warden wanice kta. Woſnakage cin tohan en un ſni eca dena wocekiye econpi ecee kta wi yamni he-

hanyan econwicaſi, Henry Taylor qa John Lovejoy hena eepi.

Hekta omaka ehan hokſidan wan tipi wakan awanyaka ecee, wicohan kin nina tanyan yuha ſkan, qa wayuonihan wayupika, qa he Nathan Taylor ee. Wicohan de omaka kin ikihunni on woſnakage cin wopida eciya. Okodakiciye opapi en wanji itoktoya wicohan kiciyaya econpi he waſte heon de omaka kin Nathan Taylor asnikiyeya wicohan ekihnaka, qa Hazen Graham he dehan tipi wakan awanyaka.

Htayeſtu wacekiyapi en wakanheja wanji Baptisma Wakan qupi qa he Rudolf Clarence ee, Jeanette Kitto cinca, qa inakicijinpi kin Isaac Greyearth, Mrs. Isaac Greyearth, qa Paul Abraham hena eepi March 3, 1927 en tonpi. St. Mary's tipi wakan en April 17, 1927, Rev. L. M. Rouillard Baptisma Wakan qu.

## Okolakiciye Wakan kin on Wiwicawangapi Wan

W. Oegle iſakpe kin el taku eye he.

A. "Yunkan hena waonspekiye unkitawapi ce," eya.

W. Ble Sa opta yapi qon hena tuwepi he. (Gli. 12: 27.)

A. Oyate kin ataya, wica, winyan na hokſicala.

W. Tohanyan hewoskan el unpi he.

A. Waniyetu wikcemna topa. (Joshua 5: 6, Amos 2: 10.)

W. Hetanhan wicota hea tapi na tona ciscipila iwahoyapi makoe el hipi ca oegle wan omakiyaka yo. (Wica. 14: 31.)

A. "Ogna onnyayapi kta wakanze qon awicakeya makoe kin el yaipi kte ſni, tka Keleb na Joshua henala el ipi kta. Nitaſiceca kin hena awicamnin kta, yunkan Makoe kin he ſlolyapi kta."

W. Israel oyate Egypt wayaka etanhan ewicag laku kin on Wakan-tanka taku cin he.

A. Oyate nipi kta ca tona ciscipila kin iſ eya opeya nipi kta cin.

W. Hokſicala na wakanheja kin takuku okihihi ſni he.

A. Taku ecawicakiconpi qon okicahnigapi ſni, na wicalapi ca glutanin okihihi ſni.

W. Taku ecawicakiconpi he.

A. Iyepi ca najinpi na canku ogna mani okihihi ſni keſ. toktokeca wankanliwicacu na miniwanca opta awicayapi, na okahnigapi ſni keſ wayaka etanhan tawaiſiya pi ekta yapi.

W. Na taku ca Wakantanka cinwicakiye ſni he.

A. Tona ciscipila na wowacinye kpazo okihihi ſni qon yuhapi kta cin ſni, tka atkukupi taku waſte wicakahnigapi qon iyepi hea kahnigapi kewanwicakin.

W. Oyate kin cincapi kin Egypt el awicayuſtanpi, na tokeſa tankapi kinhan, hehan nipi kta iſ nipi kte ſni kahnigapi kta kewicakiya he.

A. Hiya, Iyuha isto glugata waſagya ewicag laku.

W. Le econpi kin eciyatanhan taku ecinpica he.

A. Ehanni Wakantanka hokſicala iwicacu qon he iyeeel lehan iyeeel econ kta ecippica.

W. Lehan wakanheja Okolakiciye Wakan el opewicayapi kipipi hea on Itancan unkitawapi taku eya he.

A. "Nigluhompi ſni na hokſicala iyenicacapi ſni kinhan, malipiya wokiconze kin el yaipi kte ſni." (Matt. 18: 3.)

W. Wicowoyake kin he na oegle izaptan oyaka ye. (Matt. 18: 5.)

A. "Tuwe hokſicala lececa wan, micaje on iyowinye cinhan, he miye iyowinmakiya ece," na ake "Ignuhayela lena ciscipila wanjila eſa ſiceyalake cinhan."

W. Hokſicala awicaipi na waonspekiyapi wicakiſicapi qon, Wanikiye unkitawapi toie qon omakiyaka ye.

A. "Hokſicala el maupi kta iyowinwicakiya po, na tehinlapi ſni po: tona lececapi kin Wakantanka tokiconze kin eepi ce," eya.

W. Hehan Wanikiya taku econ he.

A. Iye isto kin on aloksohan ewicayaku, nape awicagnake qa wicayawaſte.

W. Johannes Wotanin Waſte, Wico. 12. 15, el tokel Jesus Peter eciya he.

A. "Tahcaſunka cincala mitawa kin taku yutapi wicaqu wo," eciya. Na oegle okihe el, "Tahcaſunka mitawa kin awanwicayaka wo," eya.

W. Itancan unkitawapi kin taku ca Taokolakiciye iglacin he.

A. Tahcaſunka tipi heca na Iye tahcaſunka Waawanglake iglacin.

W. Wiyohiyanpata makoe kin el tokel tahca tipi kaſapi he.

A. Woteca ocinſica el yapi kta na tahca iyawicahpayapi kte ſni ca coukaſke wankantuya inyan on kaſapi ece, na tiyopa kin tuwa ijehan awanyaka.

W. Waawanyake wan talicaſunka tanka ecela timahel ewicagle na cincapila tewicalinlapi kin til yapi iyowinwicakiye ſni kinhan tokel kecanyakin he.

A. Wicaſa wiyukeanpi ognaye ſni ohanyan, na Christ tuwe on iwokean na eyapi, "Isto kin on talicaſunka cincala mnawicakiyin kta, na maku ogua wicagluha kta," wawicaſi qon ikipajin ca iblukean.

## WOONSPE IWIKCEMNA NONPA SANPA ŒAKPE

## Hokſicala Baptisma—Nakun

W. St. Peter Baptisma on taku eya he. (Ohan. 2. 38, 39.)

A. "Igluacetu po, na woalitani nicicajujupi kta ca on Jesus Meſſiya caje kin on baptisma niſupi kta, kinhan, Woniya Wakan iwahoyapi kin he iyacupi kta."

W. Tuwepi ca Woniya Wakan iwahowicayapi eya he.

A. "Wahoyapi kin le niyepi nitawapi na nicincapi tawapi ce," eya. (Ohan. 2. 39.)

W. St. Paul tuktel tiwahe ataya Baptisma wicaqu qon oegle oyaka yo. (Ohan. 16: 15, 33; 1 Korinth 1: 16.)

A. Ludia na tiyognaka tawa, wicakaſka—tipi awanyake cin tiyognaka oyasin ko, nakun Stephanas tiyognaka kin Baptisma wicaqupi.

W. Wahokiciye Teca, Syria iapi el ieska okaſe cin (oikos) tiyogna eyapi kin tokel ieskapi he.

A. Ijehan cincapi eyapi, hecel "Ludia na cinca kin," "Wicakaſka—tipi awanyaka cin na cinca kin," "Stephanas na cinca kin," eyapiece.

W. Syria iapi kin tohinni Wahokiciye Teca ieska kaſapi he.

A. Omaka iyopawinge noupa kin, na he eciyatanhan, omaka otokahe-wapa el Hokſila kin, Okolakiciye Wakan el Baptisma wicaqupi ece he yuwicaka ce.

W. Le eciyatanhan, ehanni Okolakiciye Wakan woyake cin owapi na wowapi kaſapi qon taku owanjila eyapi he.

A. Wahoiſye Wakan taanpetupi kin el Hokſicala Baptisma wicaqupi ee, eyapi.

W. St. John, Polycarp onspekiye, na Polycarp Irenaeus onspekiye qon, Irenaeus le on taku eya he.

A. Baptisma kin he tecawicaton pi heca, na tona Wakantanka ekta tecawicatonpi kin, "hokſicala na ciscila kin, wakanheja, koſkalaka na tankapi ko" cajewicayata.

W. Omaka opawinge nonpa, Okolakiciye Wakan el, Origen Presbyter okinihan kin, hokſicala Baptisma wicaqupi on tokel eya he.

A. "Woalitani kicicajujupi kta ca hokſicala Baptisma wicaqupi," eya, na ake wahokonwicakiya wan el, Baptisma wakiconzapi kin eciyatanhan, tonpi on woalitani kin yutokan iyewicakiciyapi kin on, heon etanhan hokſicala Baptisma wicaqupi ce," eya.

W. Itokan Origen nakun taku eya he.

A. "Hokſicala Baptisma wicaqupi woecon kin he, Okolakiciye Wakan kin, Wahoiſye Wakanpi kin etanhan icu ce," eya.

W. Omaka Iyopawinge topa el, Augustine Hippo el Bishop un qon, taku eya he.

A. "Okolakiciye Wakan, inanyanpi kin, hokſicala Baptisma wicaqupi woecon yuha kin aktapi ſni naiſ econpica ſni ecinpi kte ſni, tka woecon kin Wahoiſye Wakan tawoonsepi ognayan wicalapi iyeececa," keya.

W. Itokan Pelagian cajewicayate qon Augustine nakun taku eya he.

A. "Okolakiciye ataya toope kipajin okihihi ſni ca hokſicala Baptisma wicaqupi kta iyeececa na taku kin he Itancan kin, Wahoiſyepi ko etanhan u keyapi ce, eya.

W. Atewicayapi toktokeca, taku kin le yuwicakeya oyakapi qon, cajewicayata yo.

A. Justin Martyr, Tertullian, Cyprian, Gregory, Chrysostom, na toktokeca cajeyatapi na yuwicakapi.

W. Roma otonwe ogna wicahapi qon (Catacomb) el wakanheja Baptisma wicaqupi kin yutanin kin taku iyeyapi he.

A. Hokſicala na wakanheja ciscila ogna wicahapi el. inyan wanke cin abago owapi kin, Jesus taanpetu ohakab waniyetu wikcemna ſakpe sanpa topa iyehanyan Baptisma wicaqupi ca iyeyapi, hecel inyan suta kin woecon kin he wowicake ca yutanin.

## WOONSPE IWIKCEMNA NONPA SANPA ŒAKOWIN

## Hokſicala Baptisma—Nakun

W. Hokſicala Baptisma wicaqupi kin on, Christ taanpetu etanhan omaka 1500 hehanyan, Okolakiciye Wakan woyaka tokel yuha he.

A. Wahoiſye taanpetupi kin etanhan omaka 1520 hehanyan hecetu wanjica econpi ece woyaka yuha.

W. He ehan toketu he.

A. Oſpaye cicala wan, Munzer eciyari itancanyapi, Saxony makoe el icagapi na Okolakiciye Wakan kin Wahoiſye taanpetupi kin he tanhan ecinſniyan econ na iyepi hokſicala Baptisma wicaqupi kin heyab ehpeyapi kta keyapi.

W. Munzer taku akipa he.

A. Ihakab unpi kin iyukeanſniyan wahokonwicakiye canke lakaſ wokicize econpi na ohanketa iye yuzapi na ktepi.

W. Omaka 1534 qon toketu he.

A. Oſpaye tokeca Anabaptist (akta Baptisma wicaqupi) cajeglatapi ca icagapi na hokſicala Baptisma wicaqupi ehpeyapi kta okolakiciye icicagapi na hetanhan wokiconze wan Zion teca kaſapi kta kuwapi.

W. Tuwa ca pawicakiyapi he. A. Wanji John Boccold, Leyden etanhan hayapi kaſa wicaſa, nahan John Matthison, waſpanye wicaſa, na henios wicaſa wokcan icilapi.

W. Hehan taku econpi he.

A. Munster otonwe eciyapi kin icupi na Boccold he wicaſayatapi kaſapi, tka opeciyela ſkan.

W. Omaka okihe kin icunhan toketu he.

A. Tawapi qon otonwe ikikenpi, na tokapapi qon hunli wicaktepi, hunli England el (Saglaſata) napapi, na hei woonspe kin he tokaheya icaga.